



宇多天皇事記

史料十五

九上

U578
2063
15



4-5



史料卷之十五

宇多天皇事記第九上

起寬平七年正月盡六月

寬平七年乙卯

正月大 己未朔

五日 癸亥 聽齊世親王一日乘車事

政事要略云使廳續類聚云寬平七年正月

五日宣旨无品齊世親王明日許聽乘車

九日 丁卯 聽中納言諸葛等乘車事



政事要略云使廳續類聚云九日宣旨中納言藤原朝臣諸葛民部卿藤原朝臣保則等宜聽乘車

廿四日^{壬午}嵯峨皇子秀良親王薨事

源氏系圖嵯峨天皇第二皇子秀良親王母

皇太后嘉智子三品寬平七正廿四薨七十

九按一代要記為廿三日
皇胤紹運錄同本書

一代要記云秀良親王三品母同仁明天皇

寬平七年正月二十三日薨年七十九

類聚國史云天長九年二月乙亥^{十一}秀良親王

於冷然院加元服即授三品

日本紀略云天長九年二月乙亥^{十一}秀良親王

拜賀訖錫宴賜祿五月庚申^{廿九}沒官書一千六

百九十三卷賜三品秀良親王

續日本後紀云天長十年三月戊戌^{十一}以三品

秀良親王為中務卿^{十四}辛亥三品秀良親王為

彈正尹承和元年十月辛巳^四以昔被沒官橘
朝臣奈良麻呂家書四百八十餘卷賜彈正
尹三品秀良親王以外戚之財也二年正月
丁巳^{十一}三品秀良親王爲大宰帥彈正尹如故
三年五月甲子^{十六}賜信濃國小縣郡公田十二
町彈正尹秀良親王六月壬戌^{十五}近江國荒廢
田十七町加賀國百九十町備前國空閑地
四十四町賜三品彈正尹秀良親王四年七

月辛卯^{三十}加賀國石川郡荒廢田四十九町賜

三品彈正尹秀良親王七年正月甲申^七詔授

三品秀良親王二品九年正月戊申^{十三}二品秀

良親王爲上野太守九月己亥^八二品秀良親

王爲上野太守按是年七月十五日依嵯峨
帝崩服解今日所復任也

三代實錄云貞觀十三年五月廿二日丁卯

勅控秀良親王家池水渙城南百姓田旱也

元慶七年十月十日癸卯攝津國河邊郡墾

田一町三段百六十步返給一品秀良親王
班田使叔公親王家披訖故返

是月中納言諸葛致仕事

公卿補任云中納言從三位藤諸葛年七十

正月上表致仕

按一代要記為四月未知孰是

二月小 己丑朔

一日 己丑 令撰大學典藥諸生等任諸國博士醫

師事

上 事 中 國 五 十 四 年 癸 丑 四 月 十 八 日 觀

類聚三代拾云太政官符應大學典藥諸生

苦住學舍并鴻儒名醫子孫依薦舉任諸國

博士醫師事右大納言正三位源朝臣能有

宜奉勅如聞年來諸國博士醫師從事之間

或非其人今須內藥生年勞一人之外及大

學典藥諸生不經課試者不得輒任之唯苦

住學舍頗堪採用者雖非得試間以舉補勿

令遂作空歸之恨又鴻儒名醫子孫去親不

遠篤實無疑之輩假令不得傳習祖業特修
舉狀奏權任然則教授療治之職無有非業
碩德名士之後猶賴餘慶寬平七年二月一
日

九日丁酉釋奠事

管家文草仲春秋奠聽講論語同賦爲政以
德君政萬機此一經秉龍不忘始收螢北辰
高處無爲德疑是明珠作衆星

廿一日

己酉

定使廳行政例事

政事要略云別當中納言兼左衛門督從三
位源朝臣光宣奉勅囚禁之事待斷之間身
命難存是則使等不相具之所致也自今以
後五位及尉志府生等四員在者宜行其政
不可具官須左右相交者寬平七年二月二
十一日民部權大輔兼左近衛少將在原弘
景奉

又云別當中納言兼左衛門督源朝臣光宣
偁近者囚徒滿獄科決猶遲或所犯是輕禁
囚日久或本罪既重待斷終身獄官之道理
不可然因之去年十月五日須定左右檢非
違使廳每日行政之狀上已畢而猶遲緩
不肯行之自今以後宜依前件行其政不可
隔日又須所行事條目錄每日申之者寬平
七年二月二十一日民部權大輔兼右近衛

少將在原弘景奉

三月大戊午朔

三日庚申御燈并曲水宴事

西宮抄云寬平七年三月御燈日行幸

扶桑略記云三月三日行幸神泉苑

江家次第云寬平七年三月御燈日行幸曲

水宴內藏寮供殿上男女房酒肴

管家文草神泉苑三日宴同賦煙花曲水紅

應製

寬平七年

水上煙花表裏紅流盃欲把醉顏

同動枝動浪皆應惜所以慇懃恐暮風

六日

癸亥

改得度者受戒期事

類聚三代格云太政官符應改定得度者受戒期事右少僧都法眼和尚位益信等奏狀偁謹檢貞觀七年三月十五日格偁故少僧都惠運牒偁檢舊例凡有得度者先與度緣次令入寺就中年分度者經二箇年臨時度

者經三箇年令練沙彌之行然後初聽受戒者今出格以降雖經廿餘年而未有遵行伏案物情二年練行三年練、未明其由凡檢受戒儀軌沙彌等從師之後發心年久是一練行次於三師七證前受三歸五戒十善畢是二練行次將授大戒而問遮難之日簡捨根關選留根機然後授之是三練行加以檢本律云授戒以後五年律學度者練行前後

共昊何必局限二三箇年又提謂經云凡說授戒緣三種所以一者調和四時寒陰故二者不違日月亢陽故三者令就年中穀實故受戒緣起兼由祈年禱請豐穰當在歲首望請度者受戒無別年分臨時不經數年練行卽聽授戒已授之後一依律文令勤五年律學便於各本寺令課試所學文義具錄其由以經三司傳於不朽限三月內使畢授戒四

月中結夏安居祈禱年穀誓護國家伏請處分者大納言正三位兼行左近衛大將皇太子傳陸奧出羽按察使源朝臣能有宣奉勅依請者若度者多數限內不授畢後年三月同共授畢又五年律學之後三司勘知之由具注其狀卽申送官寬平七年三月六日

廿三日庚辰禁王臣家出舉私物事

類聚三代拾云太政官符應禁斷王臣家出

舉私物車右檢天平九年九月廿一日格傳
勅如聞臣家之稻貯蓄諸國貸與百姓求利
交關百姓窮弊因斯彌甚實是國司教喻違
方使致於此朕甚愍焉自今以後悉皆禁斷
如有違者以違勅論科罪其物沒官國郡官
人即解見任者比年如聞或王臣家出舉私
物妨民業因茲租稅難收調庸未進蠹民
害政莫甚於斯而國司何容曾不糾正為吏

之道何其然哉中納言兼右近衛大將從三
位行春宮大夫藤原朝臣時平宣奉勅宜加
下知一切禁遏若猶違犯者沒物科罪一如
先格寬平七年三月廿三日
按扶桑略記帝
王編年記引此
符為廿
二日

廿六日癸未東宮令中納言道真一時賦詩十首
事

菅家文草云七年暮春二十六日予侍東宮

醍醐

有令曰聞大唐有一日應百首之詩今試汝
以一時應十首之作卽賜十事題目限七言
絕句予採筆成之二刻成畢雖云凡鄙不能
燒却故存之送春送春不用動舟車唯別殘
鶯與落花若使韶光知我意今宵旅宿在詩
家落花花心不得似人心一落應難可再尋
珍重此春分散去明年相遇舊園林夜雨不
看細脚只聞聲暗助農夫赴畝情通夜何因

遣悶意尚書定妨早衙行柳絮春雪紛二繞
柳枝見知老絮陌頭垂詩人詠得詩情苦莫
使狂風第一次紫藤高閣藤花次第開疑看
紫綬向風迴榮華得地長應賞不放遊人任
折來青苔青苔滿池不接塵似展平頭碧錦
茵雨後風前宜染色慙慙欲著上仙人鶯自
初出谷被人憐春色盡時自默然若有遺音
長不絕明年可奏早梅前燕梁頭展翅幾銜

泥一二將雛赴暮棲春盡先歸秋至日涼風
萬里羽毛齊黃雀兒點檢中庭黃雀兒春風
便是可無私報恩何必遭復處銜得白環郎
此時燈挑盡蘭燈送五更簷頭夜雨颯然聲
吟詩不得他言笑淙翰猶要暗更明
是月令賦中殿櫻花事

管家文草春惜櫻花應製并序承和之代清
涼殿東二三步有一櫻樹樹老代亦變代變

仁明

光孝

樹遂枯先皇馭曆之初事皆法則承和特詔
知種樹者移山木備庭實移得之後十有餘
年枝葉惟新根莖如舊我君每遇春日每及
花時惜紅艷以叙春情翫薰香以迴恩賜此
花之遇此時也紅艷與薰香而已夫勁節可
愛貞心可憐花北有五株松雖小不失勁節
花南有數竿竹雖細能守貞心人皆不見松
竹臣願我君兼惜松竹云爾謹序春物春情

更問誰紅櫻一樹酒三遲綺羅切齒相同色
桃李慙顏共過時欲衰飛香憑舞袖將纏腕
帶有遊絲何因苦惜花零落為是微臣身拾
遺

是春右衛門權佐當時賀父大納言能有五十
筭事

管家文草云右金吾源亞當時將與余有師友之
義夜過直廬相談言曰嚴父大納言能有去年五

十心往事留過年無賀此春已修功德明日
聊設小宴座施屏風寫諸靈壽本文者長谷雄紀侍
郎之所抄出新樣者金岡巨大夫之所畫圖書者
藤敏行右軍詩則汝之任也談畢歸去欲罷不能
予向燈握筆且挑且草五更欲盡五首纔成
右軍即書之以備遊宴事廬山異花何處異
花觸目新廬山獨立採松人煙霞不記誰家
種水石相逢此地神吹送馨香風破鼻養來

筋力氣關身一食算計前程事珍重童顏二
百春題吳山白水吳山神水石間來看是孤
雲澗口閃欲見多年懸藥處空留一服去蓬
萊劉阮遇溪邊二女天台山道道何煩藤葛
因緣得自存青水溪邊唯素意綺羅帳裏幾
黃昏半年長聽三春鳥歸路獨逢七世孫不
放神仙離骨錄前途脫屣舊家門徐公醉卧
自到東陽道不違徐公一飲二年歸赤松計

會新來客玄草纏綿舊著衣壺酒淺深初得
意醉鄉遠近摠忘機無情湖水誰遺迹憶昔
長山卧翠微吳生過老公山頭不倦立煙嵐
幸甚神人許接談念二逢時丹桂一行二見
處石梁三生涯養性年華美逆旅知恩曉露
甘傾蓋如今爲舊識誰辭竟夕玉膏酣

四月小 戊子朔

七日 甲午 上卿一人行擬階奏事

西宮抄云外記記云寬平七年四月七日大
納言源卿執奏依兩儀不着宜陽殿二省輔
立宜陽殿西廂北第二間西面北上
西宮記引承平五年四月七日貞信公記云
為奏擬階奏中納言一人參而他納言參議
一人不參仍檢先例寬平七年大納言一人
有奏行例依彼例令奏之
北山抄擬階奏條云安和二年上卿一人行

之貞觀例也寬平七年承平五年又有此例

廿一日戊申參議保則卒事

尊身分脈藤原貞碩一男保則母左中辨安

部弟富女右大辨大貳民部卿參議寬平七

四廿一薨七十一

按碩公卿補
任作雄似是

公卿補任云藤保則中納言從三位乙叡孫

左兵衛佐正五位下貞雄男母左中辨安陪

弟富女齊衡二年三月任治部少丞三年正月丙辰任民部大丞天安元年任兵部少丞貞觀元十二年轉大丞五二十年任式部少丞八正七叙從五下同十三日備中權介十三正七叙從五上治國同廿九日任備前介十六正十五任備前權守十八正十四任右衛門權佐同二月十五日任民部大輔元慶元十九正十五任右中弁元慶二五四叙正五下同日

兼出羽權守三正十一出羽守五七十六兼播磨權守六正七叙從四下二月三日兼讚岐權守仁和三二二任伊豫守八月廿二日任太宰大貳十一月十七日叙從四上寬平三十四十一任左大弁四四廿八任參議辨如元已上五年正月十一日兼近江權守二月廿六日兼民部卿七年四月廿一日卒年七十一

三代實錄云貞觀八年正月七日甲申授散
位正六位上秋枝王式部少丞藤原朝臣保
則等並從五位下十三日庚寅正四位下行
右兵衛督源朝臣勤爲備中權守從五位下
行式部少丞藤原朝臣保則爲權介元慶二
年三月廿九日乙丑晦出羽國守正五位下
藤原朝臣興世飛驒上奏夷俘叛亂四月廿
八日癸巳出羽國守正五位下藤原朝臣興

世飛驒奏言賊徒彌熾不能討平五月四日
己亥詔授從五位上守右中弁藤原朝臣保
則正五位下卽拜出羽權守右中辨如故左
衛門權少尉正六位上清原真人令望爲權
掾左衛門權少尉如故右近衛將曹從七位
下茨田連貞額爲權大目右近衛將曹如故
三人並發遣出羽國擬討反虜勅出羽國司
曰近日夷虜凶逆殘害不止雖有軍興俄難

殄滅仍以右中辨正五位下藤原朝臣保則
兼任彼國權守宜緣軍機事從其指擣莫爲
逋逃以失警備^中七月十日癸卯出羽國飛驒
奏曰正五位下守右中辨兼權守藤原朝臣
保則到國察向前之行事運行軍之籌策遣
權掾文室真人有房左衛門權少尉兼權掾
清原令望上野押領使權大掾南洲秋鄉等
率上野國見到兵六百餘屯秋田河南拒賊

於河北又秋田城下賊地者上津野火內楡
淵野代河北腋本方口大河提姊乃方上燒
岡十二村也向化俘地者添河霜別助川三
村也令此^下三村俘囚并良民三百餘人拒賊^中
於添河次攻雄勝後將侵府其雄勝城承十
道之大衝也國之要害尤在此地仍遣左馬
大允藤原滋實左近衛將曹兼權大目茨田
連貞額等以雄勝平鹿山本三郡不動穀給

郡內及添河霜別助川三村俘囚慰喻其心
令相勵勉於是俘囚深江祢於加止玉作正月
麻呂等誘率三村俘囚二百餘人夜襲殺賊
八十人燒其糧食舍宅感恩賚也或云津輕
地夷狄或同或不同若不同者以上野國軍
將得討滅遂同者雖大兵難可輒制上野下
野陸奧三國軍士惣四千人其陸奧軍先旣
亡歸上野軍且來六百餘人下野軍雖入堺

首未知強弱津輕夷俘其黨多種不知幾千
人天性勇壯常事習戰若連逆賊其鋒難當
請常陸武藏兩國軍合二千人以誠備非常
是日勅符曰去月廿八日奏狀今日到來賊
中消息委曲具至指其事實足可見知夫以
夷狄攻夷狄者中國之利也今覽來奏給雄
勝郡俘囚以官米穀多破賊徒豈此一舉計
之上者也亦來奏以爲津輕夷虜天性麤獷

若連山類實為難制塞下流言南北異口或
云既同或云未同請發常陸武藏等國兵備
其非常出於不意今如奏狀同否未審若果
不同者所率見兵可得摧破加之小野朝臣
春風坂上大宿禰好蔭等谷領精兵行當到
著宜待共征振其威武但豫勅諸國令簡勇
士若有危急馳傳上奏隨即差發赴救非晚
務運奇策繫其狂心八月四日丁卯出羽國

飛驒奏言

文闕

勅符曰重省表奏曲折具之事

用奇正兵家所貴今募俘虜多殲醜類雖是
夷人慕義之至切抑亦國宰撫馭之得方臨
機之略實當如此其能仁法天等忠誠頻著
聞而嘉之克遂功績不亦美乎且春風好蔭
等取陸奥路入上津野村與兩國兵夾攻首
尾今如來奏已得要略兵術雖多制勝為先
左之右之隨宜禽賊窮其巢窟勿令逋脫凡

厥勲賞可有後勅彌精勵莫使懈緩三年
正月十一日辛丑出羽國飛驒奏言去年十
二月十日凶賊悔反逆之過致束手之請便
返進所掠奪之甲廿二領言曰所取甲曹其
數不少任已狂心皆悉截破稱身約裁一无
全者加之賊類或入奥地或所居隔遠其遺
甲曹搜求追進於是正六位上左衛門權少
尉兼權掾清原真人令望左馬權大允正七

位下藤原朝臣滋實右近衛將曹兼權大目
從七位上茨田連貞額等進議曰今乞降之
賊二百人所進之甲廿有餘賊黨多數官甲
已少野心難測疑是矯飾須待後進一度計
納陸奥鎮守將軍從五位下小野朝臣春風
議曰春風自入賊地具知逆類悔過之心今
亦蒙犯霜雪乞降懇切若懷疑慮抑而不納
猶去逸就勞非所以集成正五位下守右中

弁兼行權守藤原朝臣保則等商量雖令望
之議已有道理而春風之謀非无便宜故殊
加慰納緩其嚴誅又渡島夷首百三人率種
類三千人詣秋田城與津輕俘囚不連賊者
百餘人同共歸慕聖化若不勞賜恐生怨恨
由是遣從五位下行權介藤原朝臣統行從
五位下行權掾文室真人有房及令望滋實
貞額等勞饗三月二日壬辰正五位下守右

中弁兼行出羽權守藤原朝臣保則飛驒奏
言曰臣保則等謹言須依去正月十三日勅
符旨早討虜而行事相違不能進止何者臣
等所賜諸國之兵千八百餘人上野下野兩
國各八百人陸奧國追還散卒二百人是也
以此輩且擊破奧賊之士卒且討平近城之
反虜次須重請諸國之兵攻伐奧賊而相待
陸奧鎮守將軍小野朝臣春風權介坂上大

宿禰好蔭等之間未有所定於是賊徒進愁
狀十餘條陳怨叛之由詞旨深切甚有理致
卽弛法禁慰其寬枉爰古老言曰用兵之道
尤在練士固塞其後出征入休動靜去留莫
不據此又當國形勢地迫北陸秋天多雪當
此之時營壘難恃不如選練士卒修造城柵
相待春風等之來臣等用古老之言選諸國
當土之軍爲上兵者一千人分配官人令其

勞賜但當土之卒緣无甲胄不能輒進交雜
諸國之軍令增兵衆之勢其中國下兵擔夫
役立柵之事還向本國此事由趣上奏先畢
凡當土可有兵士鎮兵千六百五十人而承
前國司无置一人今計諸國見留之兵未及
當上例兵之數臣等定城下之後殊迴方略
此待隣兵作爲城柵軍士得休國內无慮其
後賊三百許人詣秋田城乞降雖然不受其

降臣等因有所議春風等且擁於鎮守府待
後告可應機之狀馳權掾小野春泉告春風
等春泉未達鎮守府之間去年九月十五日
好蔭來自流霞路廿五日春風來自上津野
是時道路泥深風寒肅烈經過嶮岨士卒瘦
勞春風言曰銜詔之日伏奉聖略先教喻賊
類必令降伏若不革逆心進兵討滅仍奉宣
勅旨教喻賊徒歸伏相隨到未至誠无疑不

可更討臣等初謂以所賜之兵與春風等表
裏合勢剋日討平而春風之足歷虜庭令降
逆黨降伏之後更進官軍虜謂欺已殊死而
戰其鋒難制蠆尾施毒亦賊地隘狹潛通多
路以此小軍難可輒赴故隨春風言暫停征
伐厥後賊類亦未請降返進官物臣等依彼
未降漸計利害征戰之弊非只一途案去延
曆年中被下當道陣圖以一万三千六百人

爲一軍分作三軍輜重八百人擔夫二千人
而今上野下野兩國之軍千六百人輜重擔
夫二千餘人好蔭所率之兵五百人輜重擔
夫千餘人因茲言之多違舊例中國之軍七
月到著陸奧之兵九月入未會合參差整頓
有妨或臨陣難列或聽鼓易迷皆是忘戰日
久習之令然也國內黎氓苦于苛政三分之
一逃入奧地所遺之民承數年之弊无自存

之方况軍興以來運轉軍糧去今兩年少時
不息无用之卒騷動部內待救之處還致巨
害管最上郡道路嶮絕大河流急中國之軍
路必經此迎送之煩不可勝計今重請大兵
將討降虜國弊民窮難可克堪若慰撫部內
之窮卒驗出奧地之逃民留中國之甲冑選
當土之例兵則降虜雖反不足畏由是降賊
之徒類以上奏但臣等以爲賊寇无聞年代

稍久因此變亂不窮誅戮恐綏禦如失邊難
不絕更發大軍撲滅无燼國家之長策天下
之上計也臣等不敢專決持疑於懷進退之
間謹佇天策是日詔令上野下野兩國在軍
之甲曹器仗留付羽國矣六月廿六日乙
酉正五位下守右中弁兼行出羽守藤原朝
臣保則飛驒奏言謹奉去三月五日勅符旨
諸國軍士解陣放却并留中國甲曹及置當

國例兵略中臣保則等行事相違兵威未振適
降恩詔暫緩征討逆類再生平民復業但臣
等以為夷狄之性強弱難測朝為輕寇夕甘
重戮縱請降之後如有小變臣等恐偏慮存
國還陷罪戾望更賜天使檢察其事謹以申
聞四年二月十七日辛丑正五位下守右中
弁兼行出羽權守藤原朝臣保則飛驒奏曰
降虜所進掠取甲六十六領曹廿二枚太刀

四枚鉞一柄箭一十隻賊夷去年進契狀曰
所遺甲曹早速將進而踰涉年月未有返上
故遣權大目正六位上春海連奧雄入奧地
所勦取也去年五月陸奧及當國軍士敗走
之日或著甲曹逃歸本土或脫弃山野跳身
奔竄是時前弩師從七位上秦忌寸能仁進
甲曹一百一十賊徒返進廿二今奧雄勦取
六十六領惣一百九十八領納秋田城畢又

夷俘賜饗之日多以他死亡位記自稱其姓
名貪預賜祿奧雄責取死亡位記一百六枚
廿三日丁未先是出羽國言管諸郡中山北
雄勝平鹿山本三郡遠去國府近接賊地昔
時叛夷之種與民雜居動衆間隙成腹心病
頃年頻遭不登憂在荒飢若不優恤民夷難
和望請復調庸二年將休弊民至是勅復一
年又不動穀六千二百九石七斗給三郡狄

俘八百三人

類聚國史云元慶六年正月七日庚戌授正五位下行因幡守源朝臣有讚岐權守藤原朝臣保則並從四位下

三代實錄云仁和三年二月二日丙午從四位下源朝臣國紀為伊豫權守從四位下藤原朝臣保則為守八月廿二日癸亥從四位下行伊豫守藤原朝臣保則為大宰大貳

保則傳云

卷首 貞觀八
殘闕

旱田畝盡荒百姓飢饉道殣

相望群盜公行邑里空虛英賀哲多兩郡在

山谷間去府稍遠郡中百姓或劫掠相殺或

逋租逃散境內丘墟無有旱丁備中前守朝野貞

吉以苛酷而治之郡司有小罪者皆著鉗鈇

人民犯纖毫者捕案殺之囚徒滿獄什骸塞

路公到任之初施以仁政宥其小過存其大

體放散徒隸遍加賑貸勸督農桑禁止遊費

於是百姓襁負來附如歸田園盡闢戶口殷
盛門不夜扃邑無吠狗府藏多蓄賦稅倍入
遂受租稅返抄世四箇年受調庸返抄十一
箇年自古以來未嘗有此類也十三年叙從
五位上卽遷備前介十六年轉權守公在備
前德化仁政一如在備中時凡厥僚下若有
斲賊者曾無所發明其咎卽竊於間處相語
云君久疲學宦初得此官必當立其廉節勉

取榮譽豈可思滯一州小吏乎然而上資父
母之供養下給妻子之飢寒撓性屈心受此
濁穢斯皆貧窶之憂羈累善人僕有薄俸冀
隨君所用以資給之勿犯官物而已卽分賜
其俸不限多少於是耻格之化如風靡草吏
民畏愛號曰父母備前備中兩國界上有吉
備津彥神若國有水旱公卽祈禱必致感應
速於影響若境中有奸者立降冥罰嘗此神

形見語公云感公德化深以欣服冀也助公
爲治終此善績由是治化兩國前後年歲頗
豐穰百姓和樂時安藝國偷兒遮險劫盜備
後國調絹四十匹逃走入草道宿備前國石
梨郡旅舍盜語主人翁云此國太守化跡何
似主翁語云府君化民專用仁義一國之人
盡爲伯夷恩信之感自通神明故國有鄰濫
者吉備津彥神立降誅罰及具語其治化本

末皆如實事盜顏色大變似有耻畏終夜歎
息展轉不寢向曉馳詣府門叩頭自首云小
民無狀略奪備後國官絹四十匹改過服罪
願賜生命公召盜語云汝知向善遂非惡人
卽賜米糧封賊絹付盜移備後國僚下皆云
此斫盜之人也恐不達彼國公云此人已改
心歸誠豈更有變其志乎不聽於是盜得移
文令送備後國時備後守小野喬季恠且悅

卽放遣盜人自詣備前拜謝庭中允厥德化
感服人神皆此類也十七年秋解歸京兩備
之民悲號遮路里老村媪頭戴白髮者各捧
酒肴拜伏道邊公謂老人之心不可違失爲
之留連數日相次競到不可遏止公以爲若
常如此必引日月仍竊艤小船輕棹解纜時
與從者相期有未到者仍暫泊和氣郡方上
津於是備前郡司等聞公無糧儲艤船白米

二百石奉進泊處公謝云無甘棠之遺愛忝
故人之厚贈雖然篤志深密何不嘉納卽受
之無所辭郡司等初思公性過廉必不受此
贈及聞此報大悅歸去頃之公遣國講師書
云自次此泊舟中頻有恠異風浪難測憂念
誠深望率僧徒耒會津頭相共祈念海行之
穩焉於是講讀師率國分僧等馳詣泊處公
語云願諸僧各讀誦般若心經一遍功德足

矣諸僧承旨卽讀誦心經畢卽以此米二百
石悉充誦經布施夜中飛帆出去不顧十八
年正月任右衛門權佐兼檢非違使公詔所
親云昔者帝堯之民皆可比屋而封之時皋
陶以大賢爲獄官若有疑罪則令獬豸決之
豈有枉濫之罪元慶二五月
文引弓非敢愛惜微軀恐成
朝廷之耻昭宣公曰自天智天皇時藤氏伐
互勲績朝所倚賴方今身非伊周忝攝冢宰

遭此寇亂內慙外瓜葛之義君亦可悉願
盡智謀勿爲飾讓公曰必不得已可用愚計
者冀露肝膽無有所隱恐殿下不得能用之
昭宣公專意委付遂無他腸公曰蝦夷內附
以來欲漸二百年畏服朝威無有寇逆如聞
秋田城司良岑近者聚斂無厭徵求萬端故
疊怨積怒致叛逆夷種衆多迭相合從賊徒
數萬窮寇死戰一以當百難與爭鋒如今之

事者雖坂將軍再生不能蕩定若教以義方
示以威信播我德音變彼野心不用尺兵大
寇自平昭宣公曰善公亦曰今當以恩信化
服夷狄若群醜之中猶有不馴服者必可以
兵威而臨之上前左近衛將監小野春風累代
將家驍勇超人前年頻遭讒謗免官家居願
先令春風率精衆示以朝廷之威信然後以
德招致未歷數月自應銷散昭宣公大悅其

月四日叙公爲正五位下卽以右中辨兼出
羽權守擢春風爲鎮守將軍從五位下及陸
奧介從五位下坂上好蔭受公節度公奉詔
以後數日進發晝夜兼行行路之間飛驒繼
途奏賊虜強盛官軍頻敗及城堡失守群隊
陷沒之狀時從騎十餘人皆無不褫魂奪氣
而公容色不變曾無畏憚之意既至出羽國
命春風好蔭各將陸奧國精騎五百人直入

虜境召其酋豪宣以國家之威信先是賊聞
王師來討率衆萬餘人遮守險隘春風少遊
邊塞能曉夷語卽脫甲冑棄弓矢獨入虜軍
具宣朝命皆如公意於是夷虜叩頭拜謝云
異時秋田城司貪欲暴橫谿難填若豪毛
不協其求者楚毒立施故不堪苛政遂作叛
逆今將軍幸以天子恩命而詔之願改迷途
歸幕府於是競以酒食饌饗官軍其豪長數

十人相率隨春風至出羽國府公卽召見慰
撫賊亦盡返獻先所虜略生口及軍器時有
渠帥二人不肯歸附公語諸豪長云二虜不
表於汝心如何豪長等俱陳云殊自有謀願
暫垂寬暇後數日遂斬兩夷首以獻之公卽
發使者撫循餘種自津輕至渡嶋雜種夷人
前代未曾歸附者皆盡內屬於是公復立秋
田城凡厥壘柵樓塹皆倍舊制三年改權守

爲正守右中辨如故有勅暫留鎮撫之此國
民夷雜居田地膏腴土產所出珍貨多端豪
吏并兼無有紀極私增租稅恣加徭賦又權
門子弟羊未求善馬良鷹者猥聚如雲邊民
愚朴無知告訴唯隨其求不言煩費由是隴
畝之民皆苦貧窮斲猾之輩多致富溢公施
以朝典教示百姓嚴張憲法勿令侵犯若更
有不法者捕而案之由是百姓安堵夷道清

平時陸奧國夷狄有訴訟者皆到出羽國而
取決公初在兩備專以仁惠而化之及治出
羽更以威嚴以理之吏民有罪無有所宥當
論者不能測其深淺四年四月依官符入京
時在朝卿相皆賀公勲績公辭謝云此皆朝
威之所致非愚略之有施也是時天下皆以
爲公不勞一卒平定大寇朝廷必當疏高爵
答其殊勲而偏用公辭讓遂無優崇之制又

良岑近者貪叨賊穢致此寇亂而亦無懲惡
之典由是衆議多譏昭宣公賞罰失柄公性
樂靜默不好劇務屢對昭宣公固辭辨官七
月任播磨守辭不赴任六年正月叙從四位
下公曰年既老矣盍修功德爲冥路之資傳
聞讚岐國多倫紙及能書者當赴彼國書寫
修多羅阿毗曇等諸藏二月出爲讚岐守此
國庶民皆學法律執論各異邑里疆畔動成

諍訟自公入境人相讓如虞芮之有耻心
焉秩滿歸京隱居西山別墅無復出仕之志
仁和三
年二月任伊豫守辭不赴職八月除
爲大宰大貳十二月叙從四位上公頻稱病
不肯就職朝廷屢加慰喻強以發遣公在鎮
府專以清靜而施化故吏民感服政化大行
先是姦猾之輩猥聚鎮西境內其筑前筑後
肥前三國尤爲群盜之藪澤鄉閭騷擾道路

隔絕人民有蓄積者皆被殺略行旅有資儲者無有全治前年府官及國司發兵捕殺凶黨彌熾不能禁止公初莅領衆人皆云宜多發軍士悉加鉏誅公曰吾聞此盜渠帥率非編戶之民皆是流浪之輩也或良家子弟逐衣食之利或舊吏僕從取婚姻之便寓居邊城猶如桑梓而比年不稔生產失利無賴之輩同惡相濟爭尋干戈起爲賊徒是國之民

大半爲盜今悉捕而殺之則里落之內閭而無人縱令有隣家之警誰人城戍乎此輩未必懷凶狡之心多是爲飢寒被逼迫而已若施以恩賑自應食棰改音卽以其俸米遍賑贍三國深加慰撫各存生業於是盜徒大悅相語云府君以父母之情遇我我豈不盡孝子之志乎相率歸化莫不守劔之夫寬平三年四月辟爲左大辨公被召入京之後未歷

數月大宰府奏云有新文闕天性廉潔以身化
物僚下有貪穢者推誠教訓若遂不悛者不
與之接言語見其有一善則悅動顏色常稱
譽推舉贊成其美又擇士採才有知人之鑒
昔在備中時小野葛絃年少為掾公稱曰若
必當為天下循良之吏又在讚岐時管原朝道真
臣代公為守公竊語云新大守當今碩儒非
吾所測知也但見其內志誠是危殆之士也

後皆如其語凡厥弊鑿皆多此類也公年漸
五十不近婦人唯歸心內典尤熟空觀常談
誦金剛般若經未嘗退倦即撰集此經諸家
義疏以為一部究討其義莫不該通公清節
沖虛心無迴邪蓋是練般若空無相之故也
公未寢疾時忽語云死期將至何可終身於
塵勞之中乎於是營一室於叡山東坂翌日
夙興促駕赴投山廬落髮入道晝夜念佛其

後數月俄隨逝水啟體之日身無病痛屬纏
之時心不顛倒唯向西方念阿彌陀佛而已
管家文草路遇白頭翁路遇白頭翁白頭如
雪面猶紅自說行年九十八無妻無子獨身
窮三間茅屋南山下不農不商雲霧中屋裏
資財一栢匱匱中有物一竹籠白頭說竟我
為詰老年紅面何方術已無妻子亦無財容
體充肥具陳述白頭拋杖拜馬前慇懃請曰

叙因緣貞觀末年元慶始政無慈愛法多偏
雖有旱災不言上雖有疫死不哀憐讚岐四千餘
戶生荆棘十有一縣無爨煙元慶二適逢明府安為興行
氏今和之野奔波晝夜巡鄉里遠感名聲走者
還周施賑恤疲者起吏民相對下尊上老弱
相攜毋知子元慶六更得使居保保則在名今之豫州刺史卧聽
如流境內清春不行春春遍達秋不省秋秋
大成二天五袴康衢頌多黍兩岐道路聲愚

翁幸遇保安德無妻不農心自得五保得衣
身甚溫四隣共飯口常食樂在其中斷憂憤
心無他念增筋力不覺鬢邊霜氣侵自然面
上桃花色我聞白頭口陳詞謝遣白頭反覆
思安爲氏者我兄義保在名者我父慈已有
父兄遺愛在願因積善得能治就中何事難
仍舊明月春風不遇時欲學奔波身最懶將
隨卧聽年未衰自餘政理難無變奔波之間

我詠詩

是月東官令中納言道真一時賦詩廿首事

管家文案云東宮寓直之次下令曰去春十
首既知急捷今取當時二十物重要某不停
滯卽奉令之後不敢固辭自酉二刻及戌二
刻篇數僅成慎令旨也經數十日要寫一通
近習少年斷失三首初不立案無處尋覓一
十七首備于寶錄云爾風中琴清琴風處鄉音

恰似有人彈始自青蘋起還隨玉軫殘誤雲
驚別鶴疑野拂幽蘭感興應無限窓頭力意
看竹翠竹疎籬下脩翫碧鮮雨中重影合
風裏晚聲傳欲見龍鱗化兼期鳳翼遷寒霜
如可拂萬歲表貞堅薔薇一種薔薇架芳花
次第閃色追膏雨添香趁景風未數動詩人
筆頻傾醉客杯愛看腸欲斷日落不言迴松
孤松呈勁節幸許在中庭久苦寒霜素猶全

細葉青故山辭澗底新地近仙亭塵尾應堪
用攀將奉執經酒闌亭閱酒甕始覺聖賢心
竹業攀多少梨花酌淺深閑眉坏裏伴促膝
醉中吟自此知神用誰愁到晚陰牡丹不知
何處種喜見牡丹花帶雨傾臨架隨風引亞
沙豈攀塵容苑當翫玉仙家朗詠藜邊立悠
悠忘日斜古石孤拳誰得轉苔薜不知年不
過雲未觸唯聞溜引穿諫應投綠水功欲補

青天漱齒幽人意相看太可憐扇團團紈素
扇隨手幾成功一轉看孤月頻搖得細風逆
愁秋早至偏待熱先隆取捨知時節輕身業
豈空屏風屈曲初知用施未不畏風質宜羅
帳裏功見玉筵中人馬無未去煙霞不始終
丹青知有巧開合又西東錢家兄何利國施
用手中繁榆莢重輕種貨泉商賈源貪夫身
有癖高士口無言腐鎗誰應識將令禮節存

弓鳥號得舊弓業在弛張名細月空驚質清
風自發聲步中揚葉遠雲外白間輕文武隨
時用鞞將表太平石硯文人施器物石硯玉
簾前一片心猶重多情手自傳道成分水劑
功遂染松煙月滿花開處吟詩得用專筆學
業何爲重織鋒用不輕崩雲毫末急垂露管
中清豈見焚無意誰知拾城聲願將羊桂質
良史表嘉名碁手談幽靜處用意興如何下

子聲偏小成都勢幾多偷閑猶氣味送老不
蹉跎若得逢仙客樵夫定爛柯鼓八音調雅
樂鳴鼓自堪聞見器驚春氣疑雷撥夏雲曲
成隨舞擧聲引任歌分小大知全節何時奏
聖君蜘蛛微蟲猶有巧結網自含情稟氣安
身小隨風轉質輕簷前寬得地籬上暫全生
萬物皆如是應知造化成壁魚白魚浮紙上
游泳九流中繞軸高低去隨書遠近通豈嫌

空
漢父業唯妨學人功若得風前舉鱗飛道豈

五月大 丁巳朔

十五日 辛未 唐使入朝事

扶桑略記云五月十五日唐使入朝

止遣唐使進發事

菅家傳記云寬平六年九月十四日上狀請
令諸公卿議定遣唐使進止同七年五月十

五日勅止遣唐使進

六月小丁亥朔

二十日丙午致仕中納言諸葛菟事

尊卑分脈藤原有統一男諸葛母修理大夫

從四下橘長嗣女數子寬平七六廿菟七十

按一代要記為六日
公卿補任同本書

公卿補任云藤諸葛侍從從五位下有統一

男右大臣三守孫母修理大夫從四位下橘

永繼女從五位下小數承和十二年正月十

一日任但馬介月日補藏人仁壽三年正月

七日從五下齊衡二年正月十五日加賀權

介貞觀二年十一月廿日從五上三年二月

廿五日中務少輔四月九日少納言八年三

月廿三日正五下十三年正月七日從四下

三月十一日兵部大輔十五年正月十三日

備中權守十七年九月藏人頭十八年正月

七日從四上十二月廿六日左近權中將元
慶二年正月十一日備中權守中將如元三
年十月廿三日任參議兼左近權中將備中
權守以上五年十二月十三日兼右衛門督
六年正月七日叙正四位下二月三日兼近
江權守右衛門督如元仁和三年正月兼越
前權守二月二日兼美乃權守五月十三日
遷備前權守寬平三年三月十九日任中納

言叙從三位七年正月上表致仕六月廿日
薨年七十

文德實錄云齊衡二年正月丙申十五從四位下
藤原朝臣衛為加賀守從五位下藤原朝臣
諸葛為權介
三代實錄云貞觀二年十一月十六日壬辰
授散位從五位下藤原朝臣諸葛從五位上
三年二月廿五日己巳散位從五位上藤原

朝臣諸葛爲中務少輔四月九日癸丑從五位上行中務少輔藤原朝臣諸葛爲少納言八年三月廿三日己亥授從五位上行少納言兼侍從藤原朝臣諸葛正五位下元慶二年正月十一日丁未從四位下行左近衛權中將藤原朝臣諸葛爲備中權守權中將如故

類聚國史云元慶六年正月七日庚戌授參

議從四位上行右衛門督藤原朝臣諸葛正

四位下

按三代實錄有錯簡仍今取本書

三代實錄云元慶八年十月戊子朔天皇御

光孝

紫宸殿賜宴侍臣左右近衛府遞奏音樂勅令參議右衛門督藤原朝臣諸葛前伊勢守藤原朝臣諸藤兄弟彈琴爲歌仁和二年十月二日丁未天皇御紫宸殿賜宴侍臣左右近衛府遞奏音樂酣暢之後勅令參議右衛

門督藤原朝臣諸葛彈和琴

體源抄云皇帝破陳樂序一帖有三初半帖

拍子十六中半帖拍子後半帖拍子此家豐原習所

如此而從五位下尾張連濱主傳云コノ

舞序ハシノハ四十拍子ナリニカレヲ

遣唐時儻生還本國時忘末八拍子ヲ夕リ

或云コノヲ承仁明和御時諸葛中納言奉テ勅

序一帖拍子以十六拍子為半帖上定畢

廿六日壬子禁狩獵於大和國丹生社界地事

類聚三代拾云太政官符應禁制大和國丹

生川上雨師神社界地狩獵事四至東限監

白南限大山峯西限板浪瀧北限猪鼻瀧右

得神祇官解儀大和神主大和人成解狀儀

別社丹生川上雨師神祝禰宜等解狀儀謹

檢名神本紀云不聞人聲之深山吉野丹生

川上立我宮柱以敬祀者為天下降甘雨止

霖雨者依神宣造件社自昔至今奉幣奉馬
仍四至之存放牧神馬禁制狩獵而國柘戶
百姓并浪人等寄車供御奪妨神地屢觸汙
穢動致咎崇爰祝禰宜等依稱供御不敢相
論既犯神禁何謂如在望經言上敢被禁制
者所陳有實仍申送者官依解狀謹請官裁
者大納言正三位兼行左近衛大將皇太子
傳陸奧出羽按察使源朝臣能有宣宜下知

彼國令加禁制寬平七年六月廿六日吳時

是夏渤海國使來事

管家文草客館書懷同賦交字呈渤海斐令

大使自此以後予別奉勅旨與吏部紀侍郎

詰鴻臚館聊命詩酒大使思舊曰主客

將賦交字一席響應唱尋思執手昔投膠拜

和往復來者宜和之觀慙慙不暫拋雪鬢同年分岸老風情一道

望雲交皎駒再食場中藿儀鳳重歸閣上梟

借問高才非穿相揚雄幾解俗人嘲客館書

懷同賦交字寄渤海副使大夫珍重孤帆適
樂郊雲龍庭上幾苞茅度春欲見心如結專
夜相思睫不交賓禮未時懷土馬旅人歸處
泣珠蛟暗知器量容衡霍愧我區二小斗筲
夏日餞渤海大使歸鄉各分一字探得途初
喜明王德不孤奈何再別望前途送迎每度
吳長青眼離會中間共白鬚後紀難期同硯席
故鄉無復忘江湖去留相贈皆名貨君是詞

珠我淚珠

文雅志五十五

...

...

...

...

...

...

...

...

...

...

...

...

...

...

...

...

...

